

御定淵鑑類函

欽定四庫全書薈要

吉林出版集團有限責任公司
海 天 出 版 社

欽定四庫全書薈要

子部
類書類

吉林出版集團有限責任公司
海天出版社

目次

書名	卷次	頁次	作者
御定淵鑒類函	卷二七—卷五二		清・康熙四十九年聖祖仁皇帝御定
卷二七		二八六—一	
地部五 昆侖山 長白山 嵩高山 泰山 華山 衡山 恒山			
卷二八		二八六—四一	
地部六 終南山 廬山 太行山 荆山 鍾山 北邙山 天臺山 首陽山 燕然山 羅浮山			
卷二九		二八六—六六	
地部七 九疑山 虎丘山 蒜山 石帆山 石鼓山 石門山 太平山 岷山 會稽諸山 交廣諸山			
卷三〇		二八六—八七	
地部八 水總載			
卷三一		二八六—一〇四	
地部九 泉 溫泉 冰			

書名	卷次	頁次	作者
卷三二 地部一〇 川澤湖 卷三三 地部一一 陂池谿壑 卷三四 地部一二 穀澗浦井 卷三五 地部一三 津渠溝洫堰埭 卷三六 地部一四 海河 卷三七 地部一五 江潮濤 卷三八 地部一六 淮濟漢洛 卷三九 地部一七 渭涇昆明池漕河 卷四〇 帝王部一 帝王總裁		二八六―二二六 二八六―一四五 二八六―一七二 二八六―一九九 二八六―二二二 二八六―二五三 二八六―二七五 二八六―二九五 二八六―三一七	

書名	卷次	頁次	作者
卷四一 帝王部二 帝王總裁 卷四二 帝王部三 帝王總裁 卷四三 帝王部四 帝王總裁 卷四四 帝王部五 帝王總裁 卷四五 帝王部六 帝王總裁 卷四六 帝王部七 帝王總裁 卷四七 帝王部八 符命 卷四八 帝王部九 帝誕 奇表 帝繫 幼智 潜晦 殷憂 卷四九		二八六—三四七 二八六—三六五 二八六—三七九 二八六—四〇三 二八六—四三三 二八六—四六一 二八六—四九四 二八六—五二一 二八六—五四八	

書名	卷次	頁次	作者
帝王部一〇 登庸 創業 應運 祥瑞 福祿		二八六—五七八	
卷五〇 帝王部一一 帝德 體仁 行義 行禮 帝孝		二八六—六〇五	
卷五一 帝王部一二 儉德 睦親 齊聖 克明 知人 神智 誠信 弘量		二八六—六四一	
卷五二 帝王部一三 好學 尊師 謙讓 恭敬 威儀 寬惠 納諫 御製 御筆			

欽定四庫全書薈要

子部
御定淵鑒類函卷二十七

欽定四庫全書薈要卷一萬一千四百七十五
子部
御定淵鑒類函卷二十七

地部五
崑崙山 增長白山 嵩高山
泰山 華山 衡山 桓山

崑崙山一

原龍魚河圖曰崑崙山大中柱也 水經曰崑崙墟在

西北去嵩高五萬里地之中也其高萬一千里河水出
其東北陲 大荒西經曰赤水之後黑水之前有大山
名曰崑崙之丘有神司焉其神虎身九尾人面虎爪

欽定四庫全書
御定淵鑒類函
卷二十七

博物志曰崑崙從廣萬一千里神物之所生聖人神仙
之所集有五色雲氣五色流水其泉東南流入中國名
為河也 增闕尹內傳曰萬億萬歲有一大水崑崙飛
浮是時飛仙迎取天王及善民安之山上也 呂氏春
秋曰菜之美者有崑崙之蘋也 淮南子曰崑崙之玉
瑱而塵垢不能汚也 漢書曰張安世房中歌云天馬
來兮開遠門竦余身兮遊崑崙 水經注曰崑崙為無
熱丘 徐整長歷曰北斗當崑崙上氣運注天下春夏

詳校官兵部主事臣雷純

為雨露秋冬為霜雪 道經曰海外蓬萊閭苑有五嶽

靈山崑崙之山乃天之中嶽也在八海之間上當天心

形如偃蓋東曰樊^飯桐西曰縣圃南曰積石北曰閼苑

上有瓊華之闕光碧之堂瑤池翠水金井玉梁主鎮星

之精居於中元一氣天中焉 十洲記曰崑崙在北海

戌地北海亥地去岸十三萬里山高平地三萬六千里

出日月之上有九層每層相去萬里形如偃蓋下狹上

廣北曰閼風巔西曰縣圃臺東曰崑崙宮有增城九重

欽定四庫全書

御定淵鑿類函
卷二十七

二

傍有瑤臺十二廣各千步皆五色石為臺基上安金臺

五所玉樓十二又有流精之闕碧玉之堂瓊華之室紫

翠丹房雲錦燭目朱霞九光西王母所治也上通璿璣

元氣流布理九天而調陰陽乃天地之根紐也 又曰

崑崙一號崑陵釋氏家謂之須彌山為帝釋天所居山

頂四峯拔出各高七百仞山東天下名東弗寺西天下

名瞿耶尼南天下名閼浮提北天下名北鬱單閼浮提

今中國四裔是也涅槃經所謂閼浮界內有震旦即此

楊炯碑曰崑崙西北之天門

崑崙山二

原爾雅曰西北之美者有崑崙虛^墟之璆琳琅玕焉

穆天子傳曰天子遂宿於崑崙之阿赤水之陽吉日辛

酉天子升於崑崙之丘以觀黃帝之宮 紀年曰周穆

王十七年西征至崑崙丘見西王母王母止之 史記

曰禹本紀言河出崑崙崑崙甚高三千五百餘里日月

所相隱避為光明也其上醴泉華池自張騫使大夏之

欽定四庫全書

御定淵鑿類函
卷二十七

三

後窮河源惡觀本紀所謂崑崙者乎 神異經曰崑崙

有銅柱焉其高入天所謂天柱也圓周如削圍三千里

銅柱下有迴屋焉辟方百丈 搜神記曰崑崙之山地

首也是惟帝之下都故其外絕以弱水之深又環以炎

火之山山上有鳥獸草木皆生育滋茂於炎火之中故

有火澤布非此山之皮臬則其鳥獸之毛也 增尸子

曰赤縣洲者實為崑崙之墟土紅芝草生焉食其一實

而醉卧三百歲而後醒 淮南子曰禹以息土填洪水

以為名山掘崑崙虛以為下地或作中有增城九重上

有木禾珠樹玉樹璇樹不死樹在其西沙棠琅玕在其

東絳樹在其南瑤樹在其北北門開以納不周之風

又曰縣圃涼風樊桐在崑崙閭闔之中是其疏圃疏圃

之池浸以黃水黃水三周復其原是謂丹水飲之不死

崑崙之丘或上倍之是謂涼風之山登之而不死或上

倍之是謂縣圃登之乃靈能使風雨或上倍之乃惟上

天登之乃神是謂太帝之居拾遺記曰崑崙西有螭

欽定四庫全書 御定淵鑑類函 卷二十七 四

潭多龍螭皆白色千歲一蛻其五藏此潭左側有五色

石皆云是白螭腸化成山海經曰周穆王至崑崙之

丘遊軒轅之宮眺鍾山之嶺勒石西王母之山紀迹玄

圃之上又曰崑崙之墟百神所在上有木禾長五尋

大五圍而有井以玉為檻檻面有九門門有開明獸守

之崔鴻十六國春秋曰涼張駿酒泉太守馬岌上言

酒泉南山即崑崙之體也周穆王見西王母樂而忘歸

即謂此山山有石室王母堂珠璣鏤飾煥若神宮刪丹

西河名曰弱水禹貢崑崙在臨羌之西即此明矣宜立

西王母祠以裨朝廷無疆之福駿從之列仙傳曰赤

松子者神農時雨師也服水石以教神農能入火不燒

至崑崙山上常止西王母石室中隨風雨上下炎帝少

女追之亦得仙俱去至高辛時復為雨師今之雨師是

也神仙傳曰東郭延者山陽人也服雲飛散能夜書

有數十人乘虎豹來迎比鄰盡見之與親友辭別而去

云詣崑崙山許渾集曰渾嘗夢登山有宮室凌雲人

欽定四庫全書 御定淵鑑類函 卷二十七 五

云此崑崙也既入見數人方飲酒招之至暮賦詩曰曉

入瑤臺露氣清坐中唯有許飛瓊他日復夢至其處飛

瓊曰何故顯余姓氏於人間座上即改天風吹下步虛

聲曰善

崑崙山三

增天柱地首上詳前一平圃下都山海經曰槐

帝之平圃南望崑崙其光熊下詳前二芝田蕙圃拾遺記曰

層下形漸狹小下有芝田金臺玉樓並詳前一王母

居陸吾司

列仙傳曰西王母居崑崙山下 山海經曰崑崙之丘神陸吾司之其神狀虎身而

九尾人面而虎爪是神也司天之九部及帝之囿時注云陸吾即肩吾也莊周曰肩吾得之以處大山也

增城九重

去天數里 上詳前一 抱朴子曰蔡誕者自云被謫至崑崙初誕還人問

曰崑崙何似答曰天不問其高幾里要於仰視之去天不過十數里也

黃帝遺珠

穆

王勒石

莊子曰黃帝遊乎赤水之北登乎崑崙之丘而南望懷歸遺其玄珠 下詳前二 賞

草已勞

沙棠不溺 山海經曰崑崙之丘有草焉名曰沙棠其狀如葵其葉如蕙食之已勞

又曰崑崙上有木焉其狀如棠實華赤實其味如李而無核名曰沙棠食之使人不溺 日月之

上天地之齊

上詳前二 百陽雜俎曰崑崙為天地之齊

獸曰土螻

欽定四庫全書

御定淵鑒類函 卷二十七

鳥曰欽原

山海經曰崑崙之山有獸焉其狀如羊而四角名曰土螻是食人 又曰有鳥焉其狀如

蜂大如鴛鴦名欽原按欽或作爰或作至

絕以弱水

環以炎火 並詳前二

崑崙山四

增玉瑱

詳前 處陸 吳越春秋曰范蠡為越王築城曰崑崙之象存焉越王曰崑崙之山

乃地之柱上承皇天氣吐宇內下處后土稟受無外滋聖生神嘔養帝會故五帝處其陽陸三王居其正地吾

之國也偏何能與王者比隆盛哉

三成 爾雅曰三成為崑崙丘注云崑崙山三重故以名云

偃蓋

詳前 巡遊 陸賈新語曰黃帝巡遊四海登崑崙山起居望於其上 無熱

丘

詳前 河水出 河圖曰崑崙之墟五城十二樓河水出焉 赤縣洲 詳前

也居

仙人居

葛仙公傳曰崑崙一日玄圃一日積石瑤房一日閼風臺一日華蓋一日天柱皆仙人所

崑崙山五

增詩晉陶潛讀山海經詩曰迢迢槐江嶺是謂玄圃丘

西南望崑崙光氣難與儔亭亭琅玕照落落清瑤流

原贊晉郭璞崑崙丘贊曰崑崙月精水之靈府惟帝下

都西羌之宇傑然中峙號曰天柱

長白山

欽定四庫全書

御定淵鑒類函 卷二十七

增名勝記曰長白山其巔有潭周八十里深不可測南

流為鴨綠江北流為混同江 明一統志曰長白山在

故會寧府南六十里橫亘千里高二百里

嵩高山一

增尚書曰荆河惟豫州又曰熊耳外方桐柏至于陪尾

蔡沈註曰熊耳外方桐柏陪尾豫州山也外方地志潁

川郡密高縣有密高山古文以為外方在今京西登封

縣也 詩曰崑崙維嶽峻極于天維嶽降神生甫及申

周官曰潁州其鎮山曰嵩高山 爾雅曰嵩高為中

嶽 釋名曰嵩字或為崧山大而高曰嵩 白虎通曰

中央之嶽獨加高字者何中央居四方之中可高故曰

嵩高 戴延之西征記曰嵩山東曰太室西曰少室相

去十七里嵩其總名也謂之室者以其下各有石室焉

少室高八百六十丈上方十里與太室相埒但小耳就

山中視之太室為高出山則少室歸然矣 星經曰填

星主嵩山豫州史記天官書曰填星之位曰中央歲填

欽定四庫全書

御定淵鑑類函

卷二十七

八

一宿宋天文志曰填星為中央二十八歲而一周天唐

天文志云鵠火大火壽星彖韋為中州其神主乎嵩丘

填星位焉 史記天官書曰柳星張三河 三河三輔成周也 又

曰夜半建者衡衡殷中州河濟之間晉天文志曰自柳

九度至張十六度為鵠火于辰在午周之分野屬三河

唐書曰自陝而東三川中岳為成周 三川伊洛河也 唐天文

志曰自鵠首踰河戒東曰鵠火得重離正位軒轅之祇

在焉其分野自河華之交東接祝融之墟北負河南及

漢蓋寒燠之所均也 新唐書曰壽星在商亳西南北

連太室之東自陽城際之又曰新鄭為軒轅祝融之墟

其東鄙則入壽星隋志曰軒轅黃帝之神后妃之主土

職也 名山志曰嵩高山者五岳之中嶽也 潛確類

書曰中岳嵩山少室武當為佐命太和陸渾為佐理

嵩高山二

原漢武內傳曰武帝夜夢與李少君俱上嵩高山上半

道有繡衣使者乘龍持節從雲中下言太乙君召覺即

欽定四庫全書

御定淵鑑類函

卷二十七

九

告近臣曰如朕夢少君將舍朕去矣 續漢書曰漢武

帝禮登中嶽聞有呼萬歲聲者三于是以三百戶封奉

祀命曰崇高邑至後漢靈帝復改崇高為高高焉 世

說曰嵩高山北有大穴莫測其深百姓歲時游觀其上

晉初嘗有一人誤墜穴中同輩冀其儻不死乃投食于

穴中墜者得之為尋穴而行計可十餘日忽曠然見明

又有草屋中有二人對坐圍碁局下有一杯白飲墜者

告以飢渴碁者曰可飲此墜者飲之氣力十倍碁者曰

從此西行有天井其中有蛟龍但投身入井自當出若
餓取井中物食之墜者如言可半年許乃出于蜀中歸
洛下問張華張華曰此仙館也丈夫所飲者玉漿所食
者龍穴石髓 又曰傅亮北征在黃河中垂至洛遙見
嵩高山于時同從客在坐問傅曰潘安仁懷舊賦云前
瞻太室傍眺嵩丘嵩丘太室故是一山何以言傍眺傳
曰有嵩丘山去太室十七里此是書寫誤耳 增孫嚴
宋書曰沙門釋法義于嵩高廟前石壇下得玉璧三十

欽定四庫全書

御定淵鑒類函

卷二十七

十

二枚黃金一餅光彩潤潔河南太守毛修之以靈岳降
瑞送詣神府 魏書曰裴衍字文舒自梁歸魏授通直
郎衍欲辭朝命請隱嵩高表曰伏見嵩岑極天苞育名
草修生救疾多遊此岫臣攝性乖和誠希藥此沈痾庶
偶影風雲永歌至德詔曰知欲養病中岳鍊石嵩嶺栖
素雲根餌芝清壑深用嘉焉便從來請 舊唐書曰李
渤字滄之隱于嵩山以讀書業文為事元和初以山人
徵為左拾遺新唐書云河南少尹杜兼遣吏持詔幣即

山敦促不拜韓愈遺書曰朝廷士引領東望若景星鳳
凰爭先覩之為快想遺公冠帶就車惠然肯來舒所蓄
積以補綴盛德之闕渤心善其言始出家東都 又曰
盧鴻一字顯然博學善書隱于嵩山開元初禮召不至
自圖十景有序有詞李參玄記曰玄居十志者草堂以
修身蓄德之府也櫺館以延賓閱禮之用也洞玄室以
談道衆妙之宗也纂翠庭以棲閑谷神之致也期僊磴
以湛情傲睨之適也滌煩磯以澡性潔已之謂也雲錦

欽定四庫全書

御定淵鑒類函

卷二十七

十二

淙以汰志日新其德也金碧潭以端容鏡清其色也倒
景臺熙熙春臺之樂也枕煙庭渺渺仙山之興也十者
天地之成數志者紀述之總名玄居道心惟微幽賞亦
異可謂隱淪之奇札今昔所未聞故備焉貽諸好事君
子也 南齊書曰建元元年四月滎陽郡人尹子于嵩
山東南隅見天雨石墮地石開有玉璽在其中方三寸
奉璽詣雍州刺史蕭赤斧表獻之 崔鴻十六國春秋
曰王猛至深山見一老父據胡牀鬚鬢皓然猛進拜老

父曰王公何因拜也遣人送猛出山顧視乃嵩高也

原山海經曰太室之中山其上有木焉葉狀如梨而赤理其名曰栳服之不如草焉其狀如茱萸白華黑實澤如蓂莢其名曰瑤草服之不昧上多美石 增又曰少室之山有木焉名曰帝休葉狀如楊其枝五岐黃華黑實服者不怒其上多玉其下多鐵休水出焉而北流注于洛其中多鯀魚狀如鰐而長距足白而對食者無蟲疾可以禦兵 又注曰陽城西谷名季室亦曰少室

欽定四庫全書

御定淵鑿類函
卷二十七

十一

山巔有白玉膏服之得仙 原劉根別傳曰根棄世學道入中嶽嵩山石室中崢嶸上東南下五十丈北人冬夏不衣身毛皆長一二尺顏狀如年十五時 增又曰武帝登少室見一女子以九節杖仰視日閉左目開右目氣且絕乃蘇息帝使人問之所行何等女子不荅東方朔曰婦人食日精者 原列仙傳曰王子喬周靈王太子晉也好吹笙作鳳鳴遊伊雒間道士浮丘公接上嵩高山三十餘年往來緱氏山緱氏山在嵩山之西

仙經曰嵩高山東南大巖下石孔方圓一丈西方北入

五六里有太室高三十餘丈周圍三百步自然明燭相見如日月無異中有十六仙人云月光童子常在天台時亦往來此中人非有道不能望見 禱道書曰自嶽神廟東北三十里至一山名曰東龍門其東有三臺山昔漢武東巡過此見學仙女帝觀之因以名焉南有許由山高大四絕其北有潁水堯聘許由其處猶有壇墀漢世有道士從外國將貝多子來于嵩高西脚上種之

欽定四庫全書

御定淵鑿類函
卷二十七

十一

有四樹與衆木迥異一年三花白色香美 增翰林盛事曰田游巖初以儒學累徵不起偕其母隱嵩山調露中高宗幸中嶽因訪其居游巖出拜詔命中書侍郎薛元超入問其母御題其門曰隱士田游巖宅徵拜弘文學士 雲麓漫鈔曰元和四年三月二十六日余與著作郎樊宗師處士盧仝自洛中至少室謁李徵君渤樊次玉川疾作歸明日與李盧自少室而東上太室中峯宿封禪臺下石室遂自龍川寺釣龍潭水遇雷明日觀

啓母石入天封觀閏四月三日韓愈題 集古錄云武后封禪處有石記曰人遊龍潭者毋笑語以瀆神龍龍怒則有雷恐 唐高僧傳曰永淳時嵩嶽間居寺僧元珪廬嶽之龐塢一日有偉丈夫從部曲來謁曰我此嶽神也請授正戒珪曰無我無汝孰能戒哉神曰我神通亞佛珪曰汝能使上帝東天行而西七曜乎汝能奪地祇融五嶽而結四海乎曰不能曰東巖寺之障莽然無樹北岫有之而背非屏擁汝能移北樹于東嶺乎神曰

欽定四庫全書

御定淵鑿類函

卷二十七

五

聞命願師無駭是夜暴風吼雷物不安所詰旦和霽則北巖松枯盡移東嶺森然行植焉 洞淵集曰中嶽山洞名上帝司真之天即軒轅為黃帝治中岳主德分精黃老駐驛上有仙人貝多之樹玉女織錦之室石髓瓊環玉人金像上應柳宿之精下鎮周地之分野 酉陽雜俎曰太和中鄭仁本表弟嘗與王秀才遊嵩山捫蘿越磴徑極幽夤徙倚間忽覺鼾睡聲見一人枕襪而眠呼之起問其所自曰君知月乃七寶合成乎月勢如丸

其影日燦其凸處也常有八萬二千戶修之予即一數因開襖有斤鑿數事玉屑飯兩裹授與二人曰食此雖不足長生可以一生無疾指一徑曰由此自合官道矣言已不見 關中記曰嵩高山石室十餘孔有石牀池水食飲之具道士多遊之可以避世 李白集曰予訪道少室盡登三十六峯少室上有四天門中有三十六峯三門猶可攀援獨西天門缺處望之一鐵楞窗儼然玲瓏竟不可踐其處似羣仙所往還也 嶽瀆名山記

欽定四庫全書

御定淵鑿類函

卷二十七

五

曰天下有三十六洞天第六為嵩山司真洞天又有七十二福地第六十為緱氏山子晉上升處第六十二為少室山 記事珠曰嵩高山下有石室名謨觴內有仙書無數昔仙人方回讀書于內玉女進以飲食 嵩山記曰嵩高山上有石室前有石柱似承露盤上有石脂滴下食之一合壽與天地相畢中頂南下二百步亦有岳廟畫為神像有玉人高五寸玉色甚光潤制作亦佳莫知早晚所造蓋嶽神之像相傳謂明公山中人悉云

屢嘗失之或經旬乃見 輿地志曰道書云蔡邕于嵩
巖石室中得素書八卷神仙傳云唐李荃于嵩山虎口
巖得黃帝陰符經 又曰嵩山西七十里至少室從東
角上四十里得下定思又上十里得上定思十里有
大石門為中定思自中定思而出至崖頭下有石室中
有水多白石英內有自然經書自然飲食 通志曰嵩
高山下有古簡一枚上有兩行科斗書張華問東晉
曰此漢明帝顯節陵策文也檢驗果然又漢張芝于太
欽定四庫全書 御定淵鑑類函 卷二十七

室天門西巖石室中獲科斗古書 嵩高志曰漢安帝
延光四年鑄一鼎於少室山其文曰承露鼎小篆書四
足刀劒錄云漢武帝元光五年鑄八劒各長三尺六寸
銘曰八服小篆書五嶽皆埋之魏道武帝以登國元年
于嵩阿鑄一劒銘曰鎮山隸書 又曰鼂說之字以道
鉅野人崇寧間與陳叔易同隱嵩山叔易赴召以道嘲
之曰處士誰人為作牙盡攜猿鶴到京華從今鄰壑應
惆悵六六峯前只一家後靖康間以道亦起而女弟四

娘適唐氏者頗復誚其出焉 談苑曰宋石元懿熙載
遊嵩陽道中遇一叟熟視之曰真太平良弼也吾幼為
房玄齡檢書蒼頭公酷似房公語訖即不見太宗朝石
果為左僕射

嵩高山三

原二室 三臺 上詳前一
下詳前二 神嶽 天鎮 上詳前一
庚闡建武頌

日邈彼嵩華維岳之峻
巖巖高大配天作鎮 玉人 金像 上詳前二
經曰嵩高山大

巖下有佛圖奇妙有一大金像在中來語寺僧密公密
公時在嵩寺寺在嵩山脚下聞之欣然即與人披林求

欽定四庫全書 御定淵鑑類函 卷二十七

索時白霧昏迷密公荒昧失路一往看之即入山中惟
見一麝香出入三四步側足雙跳步步迴顧復去十步

中有青炎出就視 石牀 銅鈔 上詳前二
嵩山記曰嵩山最

接神之靈載長松綠柏生于嶺澗左右古人住止
處有銅鈔器物東北出雲有自然五穀自然仙藥 乘

龍 控鶴 上詳前二
孫諱天台 玉漿 石髓 並詳
前二

白霧 青炎 並見金
像注 吹笙王子 衣繡使者 並詳
前二

種花道士 圍碁仙人 並詳
前二 月光童子 鬼谷先

生上詳前二 嵩山記曰鬼
谷先生于嵩山東南學仙 節彼靈山 鎮茲中土

名雄五岳 秩視三公 天子祭名山
五岳視三公 瞻彼高嶽

鎮茲坤儀以上俱白帖 增鎮地 配天上詳前二左傳曰山岳則配天

授書 枕璞山堂肆考云白龜年樂天子也一日子嵩山東巖下遇李白曰吾與汝父皆仙

矣出素書一軸授之曰讀此可辨九天禽語九地獸言龜年一日過潯州二雀啾唧過州太守庭守曰彼何言龜年曰言城西人家有栗可共

食之驗之果然然下詳前二 鳳鳴 鶴駐列仙傳曰王子晉好吹笙作鳳鳴上嵩高山後見桓良曰告我家七月七日待我縱氏山頭果乘白鶴駐山頭望之不得到乃

舉手謝時 絕穀 燒丹李白集曰嵩山有神人焦鍊人而去 生於齊梁間其年貌可稱五十許常胎息絕穀居無室廬遊行若飛倏忽萬里世或傳其入東海登蓬萊竟亦不能測其往也 道書曰中岳道士願元續于天寶中嘗懷金行市中忽遇一人強登旗亭傾壺盡醉日與之

欽定四庫全書 御定淵鑿類函 卷二十七

熟一年中輸數百金其人請所欲元續笑曰予燒金丹八轉矣將煩君守之或藥成相與期于太清也其人慨然許 嵩門 石闕嵩岳志曰玉柱峯下有峽如門中

嵩門 又曰漢武帝祀嵩山見啓母石遂令建廟南有石闕漢安帝延光二年潁川太守朱寵造 金壺 玉鏡又曰太室有金壺峯仙傳云老子以金壺墨

峯下時有一鏡浮空望之光色如玉 青童 白鹿又曰漢武帝見二青童童子捧書來迎欲

問之俄失所在因名其峯曰青童 又曰少 漢柏室有白鹿峯上多白鹿或云仙鹿其色皆白

秦槐 又曰嵩陽官有古柏三株大者七人圍次六人圍又次五人圍相傳漢武帝封為三將軍 又曰秦槐相傳秦時封為五品宋文彥博少

林寺詩曰五品封槐今尚在是也 登仙臺 飲鶴

池 西征記曰漢武帝于太室山作登仙臺名 棄瓢勝志曰縱氏山王子晉升仙處上有飲鶴池

巖 洗耳池 嵩書曰許由隱箕山間以手掬水人遺一巖下 羅泌路史曰堯讓天下于許由不受而逃後隱于箕山之間堯又召為九州長不欲聞之洗耳于潁濱時巢父牽犢欲飲見由洗耳問其故由告

之巢父曰汚吾犢口乃牽犢上流飲之 面壁石 立雪亭 嵩岳志曰少林寺西北三里許有初祖菴蓋達磨面壁洞在其上而建菴於此也背倚五峯前

臨雙湖松柏茂蔭為山中勝境菴中有達磨石亦名面壁石 又曰五乳峯下有立雪亭以二祖神光雪中立

候達磨而 室藏丹經 天降甘露 嵩書曰張道陵建亭于此 嵩山人告之曰石室中藏黃帝丹經琅函玉笈之書子行必獲矣從之果得其書 又云少林寺西有甘露

欽定四庫全書 御定淵鑿類函 卷二十七

臺相傳跋陀緒 盧鴻廣廬 李渤築室 唐書曰盧鴻經天降甘露 盧鴻廣廬 李渤築室 唐書曰盧鴻居服官營草堂到山中廣學廬聚徒數百人 舊唐書曰李渤築室于少室山中自號少室山人

高高山四 增題柱 歐陽永叔跋嵩山題名曰韓退之題題辟 嵩岳司馬溫公嵩山題辭云登山有道徐行則不 九節杖

因措足于平穩之地則不跌其旨深遠矣 詳前 封天王 唐書云則天垂拱四年改嵩山為神岳二 封其神為天中王至萬歲通天元年辛

巳尊天中王為神岳天聖 啓母石 詳前 望都峯 紀皇帝天聖妃為天聖皇后

日嶽之西北一峯號望都峯天氣晴 擣帛石 五代秦暖即望見洛陽隱隱如車蓋之形 再思記

御定淵鑿類函 六三二

嵩山之下有玉女禱帛石瑩徹光潔人莫能
測岳下人云立秋前一日中夜常聞杵聲
見日出
六帖岳之東北一峯號雞
鳴峯五更初便見日出

嵩高山五

原詩唐宋之問奉使嵩山途經緱嶺詩曰侵晨發洛陽
城中歌吹聲畢景至緱嶺嶺上煙霞生草樹饒野意山
川多古情大隱德所薄歸來可退耕 增唐沈佺期嶽
館詩曰洞壑仙人館孤峯玉女臺空濛朝氣合窈窕夕
陽開荒潤含輕雨虛巖應薄雷正逢鸞與鶴歌舞出天

欽定四庫全書

御定淵鑒類函

卷二十七

五

來 唐李白送楊山人歸嵩山詩曰我有萬古宅嵩陽
玉女峯常留一片月挂在東溪松爾去掇仙草菖蒲花
紫茸歲晚或相訪青天騎白龍 唐劉希夷嵩嶽聞笙
詩曰月出嵩山東月明山益空山人愛清景散髮卧秋
風風止夜何清獨夜草蟲鳴仙人不可見乘月近吹笙
絳脣吸靈氣玉指調真聲真聲是何曲三山鸞鶴情昔
去落塵俗願言聞此曲今年卧嵩峯何幸承幽音神仙
樂吾事笙歌銘夙心 唐劉禹錫送盧處士歸嵩山別

業詩曰世業嵩山隱雲深無四鄰藥爐燒姪女酒甕貯
賢人晚日華陰霧秋風函谷塵送君從此去鈴閣少談
賓 宋梅堯臣登太室中峯詩曰日夕望蒼崖嶺巔在
天外及來步其巔下見河如帶半辟雲霧昏山根已滂
沛 宋歐陽修玉女禱帛石詩曰玉女禱秋衣夜下青
松嶺山深風露寒月杵遙相應靈蹤杳何尋片石秋光
瑩 元蒲理翰遊嵩嶽詩曰嵩嶽巖前鐵作橋重樓朱
宇隱層霄道人步月拾瑤草童子倚雲吹玉簫春滿石
壇遲晝景龍藏金鼎長丹苗苔封少室山前路何許高
人索價饒

欽定四庫全書

御定淵鑒類函

卷二十七

五

增賦唐張仲素山呼萬歲賦曰天作太室巍乎蒼蒼立
極中位含精降祥惟漢武之肇祀聞嘉言之孔章告盈
數以不忒鬱希聲之載揚於時五輅既臻千官畢會望
嶺巖之絕辟升縹緲之華蓋排羽衛于山前刻金石于
天外諒精誠之至感致天地之交泰于是騰洪音流翠
靄始則類乎雷殷終不因乎地賴惟天祚聖谷得一而